

## سرى للغاية

اجتماعات مجلس الرئاسة  
القاهرة - قصر القبة فى ١٢ ديسمبر ١٩٦٢  
الاجتماع الثانى عشر

## الحاضرون

الرئيس جمال عبد الناصر، عبد اللطيف البغدادى، عبد  
الحكيم عامر، زكريا محى الدين، حسين الشافعى، كمال  
الدين حسين.. نواب رئيس الجمهورية، أنور السادات،  
حسن ابراهيم، على صبرى.. رئيس المجلس التنفيذى،  
نور الدين طراف، أحمد عبده الشرباصى، كمال الدين  
رفعت.

## المحتويات

### الصفحة

### الموضوع

- ١ مناقشة قرارات المجلس التنفيذى: قواعد الجمع بين المرتب والمعاش..
- ٨ الموقف فى اليمن
- ٩ موقف مصر من النزاع بين الهند والصين

## سرى للغاية

### قرارات مجلس الرئاسة

فى ١٢/١٢/١٩٦٢

اعلان تنازل الدولة عن نصيبها من المعاش فى جميع الحالات، على أن ينفذ القانون فى أول يناير القادم تحقيقا لمبدأ تكافؤ الفرص بين المواطنين.

قرر المجلس اباحة الجمع بين المكافأة والمعاش بحد أقصى قدره ١٠٠ جنيه شهريا، على أن يصدر قرار جمهورى بما يزيد عن ذلك.

استعرض المجلس الموقف فى اليمن وأنباء سحق المحاولات الرجعية الأخيرة للتسلل الى أراضي الجمهورية العربية اليمنية.

كما استعرض المجلس حوادث الحدود بين سوريا واسرائيل، وأعلن أن الجمهورية العربية المتحدة تساند الشعب السورى ضد أى عدوان اسرائيلى، وهى تفعل ذلك بصرف النظر عن مواقف الحكومة السورية تجاه الجمهورية العربية المتحدة.

استعرض مجلس الرئاسة الجهود التى تقوم بها الجمهورية العربية المتحدة فى مؤتمر كولومبو لحل النزاع بين الصين والهند.

الموافقة على قرارات المجلس التنفيذى التى عرضت عليه.

## سرى للغاية

اجتماعات مجلس الرئاسة  
القاهرة - قصر القبة فى ١٢ ديسمبر ١٩٦٢  
الاجتماع الثانى عشر

عبد الناصر: قرارات المجلس التنفيذى: أحمد شوقى مديرين عامين.. يوسف الأعسر البرغوتى كيلانى.. مين ده؟

طراف: وزير الزراعة السابق محمد على كيلانى.. استمرار للوضع.

عبد الناصر: لكن يستاهل الراجل؟

طراف: لا.. راجل كويس.

عبد الناصر: عثمان عزمى.

أصوات: ماشى.. مفيش حاجة؟

صوت: آه.

محمى الدين: وبعدين بياخد له ٤٠ جنيه كانوا قالوا: إن الشركات هتدفع له ٧٠ جنيه.

عبد الناصر: هو أنا كنت الحقيقة بعت عملية أخيرة علشان الكلام ده؛ إن بنبيح لغاية ١٠٠ جنيه.

صبرى: آه.

عبد الناصر: الجمع لغاية ١٠٠ جنيه بقرار، كله يعنى الجمع بين الاتنين والباقى نبقى نشوفه بقرار، ولو إن دى أصل اللى حيبقى ١٠٠ جنيه بيشتغل بياخد معاش مش حتزيد عن ٤٠ - ٥٠. أيوه.

## سرى للغاية

الشرياصى: هو اللى تاعيمهم الآن إن واحد مثلا كان بياخذ معاش ٥٠ جنييه وبيأخذ مكافأة ٦٠، هم جم وقفوا خالص.

عبد الناصر: آه.

الشرياصى: بيشتغل بقاله ٣ - ٤ سنين بالشكل ده وواقفين الحالة بتاعتهم.

عبد الناصر: لأ.. سنة واحدة بقرار، لكن لأ.. بنعمل مثلا إنه بنبيح الجمع؛ يعنى قرار بإباحة الجمع بين المعاش والمرتب للى موجودين لغاية ١٠٠ جنييه.

صبرى: كويس آه.

البغدادى: اللى أكثر من كده يبقى..

عبد الناصر: بنجهز قرار، وأنا كنت طالب قرار بعته للمجلس التنفيذى بهذا الموضوع عشان ناس برضه باعته تشتكى.

البغدادى: الاجراءات متأخرة شوية.

عبد الناصر: لا.. والله اتكلمت فيها من أسبوعين.

محي الدين: المرتب أو المكافأة؟

عبد الناصر: المرتب.

صبرى: أو المكافأة والمعاش.

عبد الناصر: وده بنقول له برضه من ضمن الحاجات.

## سرى للغاية

طراف: هو هنا فى السن بس لأن هو مباح بس للى فوق ٦٢ سنة هم اللى بيدققوا.

عبد الناصر: لأ.. أكثر من ١٠٠ لأ..

طراف: مقيدة بس بالسن انما هو له ماهيته.

البغدادى: نقدر نقول لغاية سن ٦٠.

عبد الناصر: لا.. لأ.. أى جمع بين المكافأة والمعاش إحنا عاملينه بقرار جمهورى.

طراف: لا.. أظن فى حدود الـ ١٠٠ جنيه.

عبد الناصر: لا.. ده قانون طلعهاه بعد ١٠٠ جنيه لازم وزير الخزانة بقرار جمهورى؛ فإحنا دلوقتى بنقول ١٠٠ جنيه كل الناس؟

طراف: آه.. يعنى من غير قرار وزير الخزانة.

عبد الناصر: من غير قرار وزير الخزانة بنسمح للناس لغاية ١٠٠ جنيه جمع بين المعاش والمكافأة.

الشرباصى: هى بس برضه عايزه توضيح شوية.

صبرى: اذا كان أقل من سن الـ ٦٠..

الشرباصى: يعنى عايز أقول برضه: يعنى واحد بياخد ٦٠ مكافأة و ٦٠ معاش ١٢٠ يعنى بيصرف لهم فى حدود ١٠٠ جنيه لحد ما بيت فيهم.

## سرى للغاية

عبد الناصر: لغاية ما بيت آه.

الشرباصى: لا.. أحسن يجى يقول لك: إنت بتأخذ أكثر من ١٠٠ فمدلكش المعاش أو المكافأة.

عبد الناصر: آه.. هو ده اللي أنا أقصده فعلا.

الشرباصى: بس عشان تبقى واضحة.

عبد الناصر: واضح الكلام ده اللي واحد مثلا بياخد ٦٠ جنيه ماهية والمفروض ٦٠ جنيه معاش يبقى بيطلع بـ ١٢٠، هو مقدم يطلب ١٢٠.

الشرباصى: أيوه.

عبد الناصر: فده بيصرف.

طراف: فى حدود ١٠٠.

عبد الناصر: جمع فى حدود ١٠٠ لغاية ما..

البغدادى: ما يصدر القرار.

عبد الناصر: اللي أكثر من ١٠٠ لازم يصدر بيه قرار.

البغدادى: إن صدر قرار بياخذ الباقي يعنى متأخر.

## سرى للغاية

طراف: لأ.. الشركات فى حدود ١٠٠.

صوت: حتطلع قانون.

معى الدين: لأ.. الحكومة متمنّش المعاش حتصرف المعاش.

عبد الناصر: هتطلع قرار.

الشافعى: يعنى المعاش ماشى وهى مبتديلوش..

عبد الناصر: دلوقتى إنت كنت بتأخذ معاش..

الشافعى: آه.

عبد الناصر: وبتشتغل فى الحال اللى حتجمع بين المكافأة والمعاش تيجى مين اللى بيوقف؟ منعرفش!

معى الدين: الحكومة اللى بتوقف.

البغدادى: أيا كان شركة من الشركات بتعمل كده.

عبد الناصر: يعنى بيجى القرار بعد كده

طراف: اذا سمحت سيادتك، علشان يبقى تنبيه لهم يصرف لحد ما بيت فى أمرهم أحسن ما احنا

نصرف ولا يتقدموش.

عبد الناصر: لا.. لأ.. يعنى بيصرف للغاية ما بيت فى أمر فى حدود ١٠٠ جنيه.

طراف: حدود ١٠٠ جنيه.

## سرى للغاية

عبد الناصر: والعسكرى المتطوع وجمال فهيم.

البغدادى: صرف بدل سفر للصيدلى ده أكثر من ست شهور.

عبد الناصر: آه.

ابراهيم: ١١٤ يوم زيادة يعنى ٣ أشهر زيادة.

البغدادى: هى القاعدة إن زى ما الواحد لما بينتدب فى حنة المفروض ٦ شهور بيكون جهاز نفسه وبيأخذ بدل سفر عن الست شهور، اذا طالت المدة عن كده بياخذ بدل اغتراب.

ابراهيم: كان فى السعودية أظن.

البغدادى: هو فى السعودية، فقعد أكثر من ست شهور فيبدوله مدة زيادة عن الستة شهور بحوالى ١٠٠ يوم وشوية، فهو جه لأن الحالات دى حوالى ١٨٠ يوم زيادة عن..

عبد الناصر: ١١٦ يوم.

الشافعى: يعنى بدل ٦ أشهر بقى ١٠ أشهر.

البغدادى: وبعدين فيه كثير طبعا بيسافروا تبقى قاعدة لكل واحد.

عبد الناصر: آه.. إحنا جالنا حالة زى دى بالنسبة للجيش.

محي الدين: بالنسبة للجيش فى روسيا آه.. وماشيناها.

البغدادى: لأن كان السبب إنهم بيتنقلوا أقل، قطعاه ده صيدلى جايز إن يتنقلوا.

## سرى للغاية

عبد الناصر: يعنى نأجله ولا نشيله ولا نمشيه؟

طراف: هو الحقيقة فى الحالات دى بقى اذا كان نبقى نعدل اللايحة.

محي الدين: قطعاً.

طراف: بدل ما نستتنى واحد نبقى نعدل اللايحة.

عبد الناصر: يؤجل ٣ أسابيع أو يؤجل ١١٦ يوم! (ضحك)

أصوات: (ضحك)

عبد الناصر: ٤٨.. ماشى، ٤٩.. ماشى، ٥٠.. المجلس التنفيذى حيعينوا واحد من الدرجة التامنة؟

الشافعى: هم جايين ماهياته ومدينه نفس الماهية.

طراف: واخدينه القوات المسلحة.

البغدادى: بالمرتب والعلوات.

عبد الناصر: قبول أو سمة؟

أصوات: ماشى.

عبد الناصر: خدمات طبية؟

أصوات: ماشى.

## سرى للغاية

عبد الناصر: تفويض منح بدل تمثيل.. ماشى.

هنقول بحث عمليات المجلس التنفيذي. نقول اليمن ولا؟ يعنى الموقف فى اليمن تقريبا زى نفس الموضوع بتاع الدور اللى فات، لكن هم عاملين نشاط على محافظة مأرب. حنقول زيادة نشاط معادى، بحث الموقف فى اليمن وبحث استمرار العدوان السعودى الأردنى على اليمن، برضه ارسال متسللين وتسليح ومعاهم جنود سعوديين.. لأن هو انتقال امبارح. وموت جنود سعوديين وأسر جنود سعوديين، وبعدين بنقول: إن القوات العربية موجودة الآن على بعد ١٥ كيلومتر من الحدود السعودية الشمالية عند نجران ودى تمثل قواعد العدوان، وعلى بعد ٥ كيلومتر من الحدود السعودية اللى موجودة عند حرض يعنى عند جنوب جيزان، وبرضه بيتمثل فيها قواعد العدوان. وإن البدر موجود فى بلدة الخوبة- اسمها الخوبة فى منطقة جيزان - ولم يدخل اليمن من بعد هروبه. وبعدين فيه نشاط برضه من امارة ببحان ومتعاون مع سعود..

صبرى: وحسين.

عبد الناصر: آه.. وحسين، وإن المعارك الأخيرة.. برضه حصلت بعض معارك الأخيرة اللى فى منطقة صرواح، وإن العدو حاول الاستيلاء على صرواح ولكن المحاولات فشلت وبعدين إن قواته بترجع تانى للمنطقة الشمالية؛ اللى هى أما بنقول على الحدود إن قواتنا طهرت المنطقة ما بين الحدود وما بين صعدة وما بين الحدود السعودية الشمالية، وموجودة على بعد ١٥ كيلومتر من الحدود.. واضح الموقف ياكمال مش كده؟

رفعت: آه.

عبد الناصر: متهيألى ده يبقى كفاية، وبعدين برضه بيطلع إن مجلس الرئاسة بيسانده جمهورية اليمن فى المحافظة على استقلالها ضد العدوان الخارجى بكل الوسائل. بعد كده للوساطة بالنسبة لرسالة كنىدى إحنا مابعتناش رد لغاية دلوقتى، الحقيقة أنا متهيألى أبعث رد وأقول له: موافق.

بالنسبة للكلام اللى فى رسالة كنىدى يتذاع ولا بلاش؟

## سرى للغاية

أصوات: بلاش.

عبد الناصر: تجتمعوا الجمعة الجاية؟

رفعت: بالنسبة لسوريا؟

عبد الناصر: بتقول: إن المجلس بحث كلام تهديد بن جويون بالنسبة لسوريا، وإن الجمهورية العربية المتحدة تؤيد الشعب السوري وتسانده. ناس حيقولوا: مجررينا على عنب الشام وعلى عنب اليمن! (ضحك) لا والله كلام مهم.

رفعت: آه.

عبد الناصر: وإن الجمهورية العربية المتحدة تساند الشعب السوري والجيش السوري ضد هذا التهديد الاسرائيلي، بصرف النظر عن مواقف الحكومة الرجعية الانفصالية. هم وقفوا معنا الحقيقة فى الأمم المتحدة لما وقفوا لحسين ذو الفقار وفتت جولدا مائير وقالت: إن آدى اللى بتقولوا عمان وآدى اللى بتقولوا سوريا وآدى اللى بتقولوا كذا؛ وقفوا كلهم ولعنوا أبوها! لكن كويس برضه بالنسبة لموضوع اسرائيل.

يبقى الكلام أول حاجة إن احنا بحثنا الموقف الدولى والموقف فى اليمن، برضه استعرضنا المجهود اللى بنقوم بيه فى مؤتمر كولومبو بالنسبة للنزاع بين الصين والهند. هو مفيش حاجة يعنى الحقيقة الأول وافقوا على اقتراحنا، وبعدين الهند يظهر الصين كانت مش موافقة فنى وين قدم اقتراح فى جانب الصين ما حد وافق عليه! وبعدين قرارات المجلس التنفيذى.  
سلام عليكم.

أصوات: وعليكم السلام.